

Broj: 04-34-3-763/20
Mostar, 26.2.2020. godine

BOSNA I HERCEGOVINA
FEDERACIJA BOSNE I HERCEGOVINE
Parlament Federacije Bosne i Hercegovine
Dom naroda
n/r g. Izmir Hadžavdić, sekretar
Hamdije Kreševljakovića 3
71000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 04-03-2020			
Broj jed.	Broj	Priloga	Vrijednost
05/2	- 02 -	34/20	

PREDMET: Odgovor na delegatsko pitanje delegata Borisa Krešića postavljeno na 5. sjednici Doma naroda Parlamenta Federacije Bosne i Hercegovine, održanoj 13.2.2020. godine, dostavlja se

VEZA: Vaš akt broj: 05/2-02-34/20 od 18.02.2020. godine

Poštovani,

Federalno ministarstvo obrazovanja i nauke zaprimilo je akt broj: 05/2-02-34/20 od 18.02.2020. godine. U prilogu akta dostavljen je izvod iz neautoriziranog magnetofonskog snimka sjednice Doma naroda na kojemu su sadržana delegatska pitanja Borisa Krešića koja glase:

- Koji je to pravni osnov angažovanja za izvođenje nastave moguć prema Zakonu o radu, uzimajući u obzir navedene zakonske propise i Odluku Vlade Federacije Bosne i Hercegovine da se djelatnost visokog obrazovanja može obavljati ukoliko visokoškolska ustanova ima najmanje jednu polovinu nastavnika i asistenata s punim radnim vremenom?
- Na koji način angažovati akademsko osoblje s drugih univerziteta kad oni tamo imaju zaključene ugovore o radu s punim radnim vremenom. Odnosno na koji način angažovati profesora s drugog univerziteta na kojem ima zaključen ugovor o radu s punim radnim vremenom?

Prije postavljenih pitanja, delegat problematizira dio Izvještaja o financijskoj reviziji Tuzlanskog kantona za 2018. godinu u dijelu koji se odnosi na „zaključivanje ugovora kod JU Univerzitet u Tuzli o angažmanu s vanjskim suradnicima za obavljanje redovnih, sistematizovanih poslova vezanih za izvođenje nastave, koji se obavljaju u kontinuitetu tokom cijele godine, s obzirom na to da isto nije u skladu s odredbama Zakona o radu i Zakona o obligacionim odnosima. Dakle, ugovori o djelu zaključuju se za jasno definirane poslove koji traju određeno vrijeme, zbog čega ne možemo potvrditi osnovanost zaključivanja istih za izvođenje redovne nastave, koji se obavljaju u kontinuitetu tokom cijele godine te je naložena **Preporuka:** Potrebno je da JU Univerzitet u Tuzli angažovanje vanjskih suradnika za obavljanje redovnih sistematizovanih poslova vazenih za izvođenje nastave vrši u skladu s odredbama Zakona o radu“.

Prilikom postavljanja pitanja, delegat se dalje referira na Okvirni zakon o visokom obrazovanju Bosne i Hercegovine koji propisuje da će se sva pitanja iz oblasti visokog obrazovanja koja nisu regulirana ovim (okvirnim) zakonom regulirati zakonima na nivou Republike Srpske i kantona.

Okvirni zakon o visokom obrazovanju je jasno adresirao entitet Republika Srpska i kantone kao nositelje daljih aktivnosti.

Skupština Tuzlanskog kantona je 2008. godine usvojila Zakon o visokom obrazovanju. Zakon je usklađen s Okvirnim zakonom o visokom obrazovanju u BiH. U toku 2012. i 2013. godine usvojena su dva Zakona o izmjenama i dopunama zakona o visokom obrazovanju, a odnose se na osiguranje kvalitete visokog obrazovanja i status studenata.

Također, Na razini Bosne i Hercegovine osnovana Agencija za razvoj visokog obrazovanja i osiguranje kvalitete Bosne i Hercegovine donijela je Odluku o normama kojima se određuju minimalni standardi u oblasti visokog obrazovanja u Bosni i Hercegovini („Službeni glasnik BiH“, broj:100/11).

Prilikom akreditiranja visokoškolskih ustanova u Bosni i Hercegovini, Agencija za razvoj visokog obrazovanja i osiguranje kvalitete Bosne i Hercegovine primjenjuje norme utvrđene navedom Odlukom.

Rješenjem broj: 05-33-1-583-11/14 od 19.05.2015.godine Univerzitet u Tuzli upisan je u Državni registar akreditiranih visokoškolskih ustanova u Bosni i Hercegovini. Za izvršenje Rješenja zadužen je Sektor za obezbjeđivanje kvaliteta (Univerziteta u Tuzli).

U Obrazloženju Rješenja utvrđena je usklađenost rješenja o akreditaciji s Odlukom o normama kojima se određuju minimalni standardi u oblasti visokog obrazovanja u Bosni i Hercegovini („Službeni glasnik BiH“, broj:100/11) i Odlukom o kriterijima za akreditaciju visokoškolskih ustanova u Bosni i Hercegovini („Službeni glasnik BiH“, broj: 75/10 i 44/13) te Zapisnika Stručnog kolegija Agencije.

Iz navedenog je jasno da se na Univerzitetu u Tuzli ne primjenjuju normativi i standardi koje je utvrdila Federacija Bosne i Hercegovine te upućujemo delegata da pitanje uputi na adresu osnivača Univerziteta u Tuzli, odnosno resornom ministarstvu u Vladi Tuzlanskog kantona.

S poštovanjem,

Po ovlaštenju Vlade Federacije Bosne i Hercegovine

SEKRETAR MINISTARSTVA

Alden Kajtaž
mr.sc. Alden Kajtaž

Dostaviti:

- naslovu,
- *Borisu Krešiću, delegatu u Domu naroda Parlamenta Federacije Bosne i Hercegovine*
- a/a